

傷寒論直解卷三

錢塘張錫駒合韶註解

徐旭升上扶

王良能聖欽

叅訂

辨太陽病脉證篇

○太陽病發汗汗出不解其人仍發熱心下悸頭眩身瞤動振振欲擗地者真武湯主之

真武湯方

茯苓 三兩

芍藥

生薑 各三兩

白朮 二兩

附子 一枚
炮

傷寒直解

卷三

醉經閣



北京中醫藥大學圖書館版權所有

右五味以水八升煮取三升去滓溫服七合

三服

此章凡八節皆言虛者不可汗也太陽病發汗病當解若汗出不解正氣虛也其人仍發熱者健虛正氣而熱仍在也汗爲心之液心液亡則心下悸矣夫津液者和合而爲膏上補益于腦髓今津液不足則腦爲之不滿而頭爲之眩也身者脾之所主脾虛不行外行于肌肉則身無所主持而瞤動振振欲擗地者合頭眩身瞤而言也言眩之極動



中醫藥大學圖書館藏

之甚則振振動搖不能撐持而欲擗地也真武湯
主之真武者鎮水之神也水性動今動極不寧故
亦以此鎮之茯苓松之餘氣潛伏于根故能歸伏
心神而止悸附子啟下焦之生陽上循于頭而止
眩芍藥滋養榮血生薑宣通經脉而調動自止白
朮所以資補中土而灌漑四旁者也

咽喉乾燥者不可發汗

自此以下皆承上文而言發汗之後既有如此之
變症則汗似不可輕發矣故必於未發之先審察

辨別而預斷其不可所謂上工治未病也脾足太
陰之脉挾咽腎足少陰之脉循喉嚨肝足厥陰之
脉循喉嚨之後是咽喉者皆三陰經脉所循之處
也三陰精血虛少不能上滋于咽喉故乾燥所以
不可發汗夫止言不可發汗而不言發汗以後之
變症蓋謂三陰俱傷命將難全治亦無及又遑論
其變乎此仲師言外之意也觀下文俱有變症其
意可思矣

林家不可發汗發汗必便血

經云膀胱者津液藏焉又曰膀胱者胞之室是胞
爲血海而外包膀胱胞藏血而膀胱藏津液者也
淋者五淋也淋家之津液久虛發汗則更走其津
液津液竭于外血必動于內是以干及于胞中而
便血矣蓋太陽之津液出于外之皮膚而爲汗藏
于內之膀胱而爲津液也

瘡家雖身疼痛不可發汗汗出則痊

瘡家久失膿血則充膚熱肉之血虛矣雖身疼痛
而得太陽之表病亦不可發汗汗出必更內傷其

筋脉血無榮筋強急而爲瘥矣亡血則瘥是以產
後及跌撲損傷多病瘥

衄家不可發汗汗出必額上陷脉緊急目直視不能
睜不得眠

三陽之脉俱起于額鼻衄家則三陽之經血俱虛
奪血者無汗故不可發汗汗出則重亡其陰矣額
上陷脉陷中之動脉也太陽之脉起于目內眦上
額交顛陽明之脉起于鼻交額中旁納太陽之脉
少陽之脉起于目銳眦三經互相貫通俱在于額



南京中醫藥大學圖書館版權所有

上鼻目之間三陽之血不榮于脉故額上陷脉緊急也三陽之血不貫于目故目直視不能瞬也陰血虛少則衛氣不能行于陰故不得眠也此三陽之危症也

亡血家不可發汗發汗則寒慄而振

血者神氣也所以充膚熱肉者也亡血者一切失血也亡血則神氣傷矣更發其汗則無以充膚熱肉故寒慄而振也經曰瀉則無血厥而且寒是也汗家重發汗必恍惚心亂小便已陰疼宜禹餘糧丸



南京中醫藥大學圖書館藏

五藏化五液在心爲汗汗家重發汗則心主之神
無所依而恍惚心亂矣腎開竅于二陰大小便也
心主之神氣虛不能下交于陰而腎氣孤津液泄
故小便已陰疼宜禹餘糧丸餘糧有二種生山谷
者爲太一餘糧生池澤者爲禹餘糧又其中水黃
濁者爲石中黃水其凝結如粉者爲禹餘糧粉卽
糧之餘故名曰餘糧生于山谷者得土之精生于
水澤者得水之精水精足則陰疼自止全方失傳
其配合不可攷矣善學者以意會之可矣

病人有寒復發汗胃中冷必吐蚘

音蛭

病人有寒者中氣素寒者也汗乃中焦之汁發汗更虛其中焦之陽氣而胃中虛冷蚘者化生之虫陰類也胃無陽熱之化則陰寒固結而陰類頓生故必吐蚘也本論逐節之後必結胃氣一條以見不特吐下傷其胃氣卽汗亦能傷胃氣也治傷寒者慎無傷其胃氣焉斯可矣

○本發汗而復下之此爲逆也若先發汗治不爲逆本先下之而反汗之爲逆若先下之治不爲逆

此章凡六節前四節言病氣隨正氣之出入以爲出入正氣亦隨病氣之內外而爲內外也或從內解或從外解或救其裏或救其表不可逆也五節言陰陽和正氣之出入復其常病氣亦隨之而解矣末節言太陽之氣隨榮衛之行于脉外而行于脉中也此言病氣在外本當發汗從外而解今復從內以下之此爲治之逆也若先發汗外邪未盡復從內入因而下之治不爲逆也病氣在內本先下之從內而解若反從外以汗之此爲治之逆也

若先下之內邪未盡復從外出因而汗之治亦不爲逆也內外之相通治法之環轉不可執也

傷寒醫下之續得下利清穀不止身疼痛者急當救裏後身疼痛清便自調者急當救表救裏宜四逆湯救表宜桂枝湯

此反應上文先下而後汗之之意以見下之而表裏俱虛又當救裏救表不必拘于先下而復汗之說也言傷寒下之而正氣內陷續得裏虛之症下利清穀不止者雖身疼痛表症仍在急當救裏救

裏之後身疼痛而清便自調者知不在裏仍在表也急當救表救裏宜四逆湯以復其陽救表宜桂枝湯以解其肌生陽復而肌腠解表裏和矣本經凡曰急者急不容待緩則無及矣

病發熱頭疼脉反沉若不差身體疼痛當救其裏宜四逆湯

此論病在表而得裏脉又當救其裏不必如上文之身疼痛而止救其表也發熱頭疼病太陽之表脉當浮今反沉者此正氣內虛而不能外出也然

亦有病人苦發熱身體疼脉沉而遲者知其差也
若不差而身體疼痛此正虛內陷也故當宜因
救裏以啟其下陷之生陽

太陽病先下之而不愈因復發汗以此表裏俱虛其
人因致冒冒家汗出自愈所以然者汗出表和故也
得裏未和然後復下之

此應上文先發汗而復下之之意而言太陽病當
先發汗今先下之而不愈因復發汗以此徒虛其
表裏而陰陽不相交接故其人因致冒冒者首如



有所覆戴陰虛于下而戴陽于上也冒家汗出自
愈者陽加于陰得陰氣以和之而愈也所以然者
汗出陰陽之氣和于表故也得裏未和然後復下
之者蓋言表裏之氣相通表和裏亦和也必得裏
未和然後復下之然後者緩詞也如無裏症可不
必下又不必拘于先汗而復下之之說也

太陽病未解脉陰陽俱停必先振慄汗出乃解但陽
脉微者先汗出而解但陰脉微者下之而解若欲下
之宜調胃承氣湯



此論汗下亦所以和陰陽也停均也調也脉陰陽俱停者言陰陽俱調均其盛衰之氣而有旋轉和平之機也陰陽之氣旋轉于中自然變易一番故必先振慄汗出乃解也但陽脉微者陰必盛陽微陰盛非和平也汗出所以泄其陰但陰脉微者陽必盛陰微陽盛亦非和平下之所以泄其陽陰陽兩得其平此陰陽俱停也故解若欲下之者言不能自下亦宜調胃承氣下之而解也

太陽病發熱汗出者此爲榮弱衛強故使汗出欲救

邪風者宜桂枝湯

此論太陽之氣又從榮衛之氣出入于外內也太陽病邪風干於肌腠故使發熱汗出然亦有邪風傷于榮衛而致衛強于脉外榮弱于脉中故使汗出欲救太陽之邪風宜桂枝湯調和榮衛之氣榮衛調而邪風自解矣

○傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞鞭或心下悸小便不利或不渴身有微熱或



欬者小柴胡湯主之

小柴胡湯方

柴胡

半觔

黃芩

人參

甘草

生薑

各三兩

半夏

半升

大棗

十二枚

右七味以水一斗二升煮取六升去滓再煎取

三升溫服一升日三服若胸中煩而不嘔者去

半夏人參加括蕒實一枚若渴者去半夏加人

參合前成四兩半加括蕒根四兩若腹中痛者

去黃芩加芍藥三兩若脇下痞鞭去大棗加牡

